

1980  
98 437

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede i  
infrastrukture



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне  
привреде и инфраструктуре

25-12-2020  
[Signature]

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy and  
Infrastructure

Broj: 27-04-37535-81/20  
Sarajevo, 24.12.2020.godine

**SKUPŠTINA KANTONA SARAJEVO**  
Služba za skupštinske poslove

**-OVDJE-**

**PREDMET: Odgovor na zastupničku inicijativu – dostavlja se,**

U prilogu ovog akta dostavljamo Vam odgovor na zastupničku inicijativu koju je pokrenuo zastupnik Vibor Handžić na 29. radnoj sjednici Skupštine Kantona Sarajevo, vezano za pristupanje projektu rekonstrukcije kanalizacione mreže u ulici Bakarevića u Općini Stari Grad Sarajevo, na način da se izvrši razdvajanje trenutno spojenih sistema odvodnje fekalnih i oborinskih voda, a koji je dostavljen ovom Ministarstvu od strane Općine Stari Grad Sarajevo Služba za investicije i komunalne poslove , akt broj: 13/1-19-6737/20 od 17.12.2020.godine.


S poštovanjem,

Prilog:


- 1. Informacija broj: 13/1-19-6737/20 od 17.12.2020.godine, Općina Stari Grad Sarajevo Služba za investicije i komunalne poslove ;
- 2. Obavijest broj: 01-02.2-10821-2/16-MČ od 11.8.2017.godine, JP Ceste Federacije BiH d.o.o. ;
- 3. Zahtjev broj: 13/1-23-7263/19 od 31.10.2019.godine, Općina Stari Grad Sarajevo, Služba za investicije i komunalne poslove :

Dostaviti:

- 1. Naslovu
- 2. Stručna služba Vlade Kantona Sarajevo -na znanje
- 3. Evidenciji
- 4. Arhivi



Adelina Džankević, dipl. pravnik



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
Kanton Sarajevo



Bosnia and Herzegovina  
Federation of Bosnia and Herzegovina  
Canton Sarajevo

Municipality of Stari Grad Sarajevo

Općina Stari Grad Sarajevo

Služba za investicije i komunalne poslove

Broj : 13/1-19-6737/20  
Sarajevo, 17.12.2020. godine

Kanton Sarajevo  
Ministarstvo komunalne privrede i infrastrukture

SARAJEVO, Reisa Džemaludina Čauševića br.1

**PREDMET: Informacija, dostavlja se;**

Veza vaš akt: 27-04-37535-81/20 od 21.10.2020.godine

Vašim aktom gornjeg broja i datuma dostavili ste Općini Stari Grad Sarajevo Vaš odgovor na zastupničko pitanje/inicijativu Handžić Vibora postavljeno na 29. Radnoj sjednici Skupštine Kantona Sarajevo održanoj dana 28.09.2020.godine, a koje se odnosi na rekonstrukciju kanalizacione i vodovodne mreže u ulici Bakarevića, a koji je ujedno inicijativa prema Općini Stari Grad Sarajevo radi planiranja projekta kojim bi se riješio problem sa kanizacionom mrežom u ulici Bakarevića.

Naime, u svojoj zastupničkoj inicijativi zastupnik Vibor Handžić traži da se **“konačno pristupi projektu rekonstrukcije kanalizacione mreže u ulici Bakarevića, Općina Stari Grad Sarajevo, na način da se izvrši razdvajanje trenutno spojenih sistema odvodnje fekalnih i oborinskih voda”**.

U vezi sa naprijed navedenim, obavještavamo Vas o sljedećem:

Kanalizacija u ulici Bakarevića je građena po separatnom sistemu, i uvidom u katastar komunalnih uređaja može se utvrditi da se radi o profilima cijevi DN 300 mm za fekalnu i DN 600 za ucjevljeni potok i oborinsku odvodnju.


Problem stalnog izljevanja kanalizacije iz šahtova u ulici Bakarevića je, prema informacijama iz KJKP “Vodovod i kanalizacija” d.o.o. Sarajevo, posljedica urušavanja cestovnog prpusta na magistralnoj cesti M5, Put mladih muslimana- gradska zaobilaznica, kod poslovnog objekta Hotel Vila Hayat, gdje je došlo do oštećenja ulivne građevine i kolektora koji prolazi kroz propust.

Usljed ovih oštećenja dolazi do razljevanja fekalnih voda i miješanja sa oborinskim, a tokom kišnih padavina dolazi i do uvlačenja materijala iz propusta (nanosi, lomljeni kamen i sl.) u cijevi kolektora što uzrokuje začepljenja istog i izljevanje na ulicu. Posljedice ovakvog stanja trpe stanovnici ulica Bakarevića, Budžak, Franjevačka te drugih ulica koje gravitiraju ovom lokalitetu.

Iz KJKP “Vodovod i kanalizacija” d.o.o. Sarajevo naglašavaju da je za potpuno i kvalitetno rješenje problema na postojećoj kanizacionoj infrastrukturi potrebno izvršiti sanaciju dijela mreže koja prolazi kroz propust. Obzirom da je sa pribrežne strane urušena i zatrpana ulazna građevina propusta, nije moguć pristup oštećenoj mreži.

Uzimajući u obzir činjenicu da se radi o magistralnoj cesti čije upravljanje, građenje, rekonstrukciju, održavanje i zaštitu u skladu sa članom 13. Zakona o cestama Federacije Bosne i Hercegovine (“Službene novine Federacije BiH” broj 12/10,16/10 i 66/13), vrši JP ceste FBiH, Općina Stari Grad Sarajevo se u više navrata obraćala nadležnom upravitelju da poduzme sve potrebne aktivnosti i mjere potrebne da se izvrši sanacija propusta.

22.12.2020  
Dektor za  
komunalne  
poslove 3714  
- fca. kondijano  
- fco. sekretar  
23.12.2020  
LEJLA H.  
KEMAL B.



Nažalost, radovi na sanaciji propusta nikada nisu izvršeni, a nismo upoznati ni da li je za isto izrađena projektno-tehnička dokumentacija.

U prilogu akta dostavljamo Vam odgovor JP Ceste Federacije BiH broj 01-02.2-10821-2/16-MČ od 11.08.2017.godine, a koji se odnosi na poduzete aktivnosti po zahtjevu Općine Stari Grad Sarajevo.

Služba za investicije i komunalne poslove Općine Stari Grad Sarajevo se ponovo obratila nadležnom javnom preduzeću u oktobru 2019.godine sa ciljem iznalaženja odgovarajućih rješenja za navedeni problem, međutim nismo dobili odgovor.

Nadalje, odvođenje i prečišćavanje otpadnih voda putem centralnog kanalizacionog sistema je komunalna djelatnost koju prema Zakonu o komunalnim djelatnostima (Službene novine Kantona Sarajevo br. 14/16,43/16,10/17,19/17, 20/18 i 22/19) obezbjeđuje Kanton, koji je tu obavezu povjerio KJKP „Vodovod i kanalizacija“ d.o.o. Sarajevo. Imajući u vidu da je urušavanjem propusta ugroženo funkcionisanje centralnog kanalizacionog sistema, potrebno je da se u rješavanje navedenog problema, pored Općine Stari Grad Sarajevo, aktivno uključi i nadležno kantonalno ministarstvo zajedno sa KJKP „Vodovod i kanalizacija“ d.o.o Sarajevo.

S poštovanjem,

Prilog: Kao u tekstu

Obrađa: Amela Kukan dipl.ing.građ.   
Viši stručni saradnik za komunalne poslove



**Dostaviti:**

- Naslovu
- Evidencija
- a/a



**JP CESTE  
FEDERACIJE BIH**

Broj: 01-02.2-10821-2/16-MČ

Datum: 11.08.2017.godine

Za: Općina Stari Grad,  
Općinski načelnik

Adresa: Zelenih beretki 4  
71000 Sarajevo  
Bosna i Hercegovina

Tel: +387 33 28 23 00

**Predmet: OBAVIJEST O PODUZETIM AKTIVNOSTIMA**

Poštovani,

Vašim dopisom br. 01-05-4-2399/16 od 30.11.2016god tražite da se JP Ceste Federacije BiH uključi u rješavanje višegodišnjeg problema urušavanja svoda cestovnog propusta na magistralnoj cesti M5, Put mladih muslimana - gradska obilaznica kod poslovnog objekta Hotel Hajat.

Nakon obezbjeđenja uslova izvršen je pregled propusta i ustanovljeno je da je sa pribrežne strane došlo do urušavanjaulazne građevine propusta i ista je zatrpana.

Pristup ulaznoj građevini propusta je onemogućen jer se sa uzvode strane nalazi dvorište poslovnog objekta Hotel Hajat. Iznad propusta je izveden potporni zid radi povećanja prostora dvorišta. Zid je visine oko 3 m i u potpunosti zatvara pristup ulaznoj glavi propusta.

JP Ceste Federacije BiH su angažovale preduzeće koje održava magistralnu cestu da sa mehanizacijom koju posjeduju pokušaju naći ulaznu građevinu. Mašina je mogla da kopa do tri metra dubine, i iskopi su urađeni u pješačkoj stazi i u dvorištu poslovnog objekta. Međutim nije se došlo do konstrukcije propusta. Uvidom u katastar podzemnih instalacija utvrdili smo da je kota dna ulaznog revizionog otvora (koji je urušen) na dubini od 6,72m u odnosu na kotu asfalta.


Nakon sagledavanja stanja na terenu, oštećenja na ulaznoj građevini propusta, urušavanje revizionog otvora kanalizacije, potporni zid iznad propusta nismo u mogućnosti pristupiti izvođenju radova na sanaciji ulazne građevine propusta i da bi to trebali da urade oni koji su svoje instalacije postavili bez odobrenja u isti.

S poštovanjem,

Prilog: Izvod iz katastra podzemnih instalacija

Dostaviti:

- Naslovu
- a/a
- Evidencija



Ljubo Pravdić, dipl.ing.građ.



Broj : 13/1-23-7263 /19  
Sarajevo, 31.10.2019. godine

**Javno preduzeće Ceste Federacije Bosne i Hercegovine d.o.o.**  
**n/r direktor Ljubo Pravdić**  
**Terezija 54, 71 000 Sarajevo; Bosna i Hercegovina**

**Predmet: Zahtjev za poduzimanje mjera iz okvira nadležnosti**

Poštovani,

Ovim putem Vam se obraćamo sa zahtjevom za poduzimanje svih potrebnih aktivnosti i mjera za sanaciju cestovnog propusta na magistralnoj cesti M5, Put mladih muslimana- gradska zaobilaznica, kod poslovnog objekta Hotel Vila Hayat.

Naime, prema informacijama iz KJKP "Vodovod i kanalizacija" d.o.o. Sarajevo usljed urušavanja cestovnog propusta došlo je do oštećenja revizionog okna na fekalnom kolektoru DN 300 koji prolazi kroz propust.

Usljed ovih oštećenja dolazi do razljevanja fekalnih voda, a tokom kišnih padavina dolazi do uvlačenja materijala iz propusta (nanosi, lomljeni kamen i sl.) u cijevi kolektora što uzrokuje začepjenja istog i izljevanje na ulicu. Posljedice ovakvog stanja trpe stanovnici ulica Bakarevića, Budžak, Franjevačka te drugih ulica koje gravitiraju ovom lokalitetu.

Iz KJKP "Vodovod i kanalizacija" d.o.o. Sarajevo naglašavaju da je za potpuno i kvalitetno rješenje problema na postojećoj kanizacionoj infrastrukturi potrebno izvršiti sanaciju dijela mreže koja prolazi kroz propust. Obzirom da je sa pribrežne strane urušena i zatrpana ulazna građevina propusta, nije moguć pristup oštećenoj mreži.

Uzimajući u obzir činjenicu da se radi o magistralnoj cesti čije upravljanje, građenje, rekonstrukciju, održavanje i zaštitu u skladu sa članom 13. Zakona o cestama Federacije Bosne i Hercegovine ("Službene novine Federacije BiH" broj 12/10,16/10 i 66/13), vrši JP ceste FBiH, tražimo da kao nadležni upravitelj poduzmete sve potrebne aktivnosti i mjere potrebne da se izvrši sanacija propusta.

Nadalje, kako je urušavanje predmetnog propusta problem koji je aktuelan već godinama, postoji opravdana bojazan da li je urušavanje svoda propusta i dalje prisutno, te da li urušavanje propusta ima uticaja na sigurnost i stabilnost same magistralne ceste.

U prilogu akta dostavljamo fotografije iz ulica Bakarevića i Budžak načinjene u vrijeme kiše, i naglašavamo da je ovakvo stanje direktna posljedica urušenog propusta.



Za sve dodatne informacije stojimo Vam na raspolaganju, a u cilju iznalaženja odgovarajućih rješenja predlažemo i održavanje zajedničkog sastanka predstavnika Općine Stari Grad Sarajevo, KJKP "Vodovod i kanalizacija" d.o.o. Sarajevo i JP Ceste Federacije.

Kontakt telefon 033 282 - 311, kontakt osoba ispred Službe za investicije i komunalne poslove Općine Stari Grad Sarajevo je Edib Čengić dipl.ing.arh.

S poštovanjem,

Obrada:

Edib Čengić, šef Odsjeka za komunalne poslove  
Amela Kukan, stručni saradnik za komunalne pos



Prilog: Foto dokumentacija

**Dostaviti:**

- PS Naslovu
- Evidencija
- a/a

01-11-2019

*Po prijemu vratiti u službu  
31.10.2019.g.*

01-11-2019

